

## شيك على بياض | اللقاء (20) | #للكبار\_فقط | د. حازم

### شومان

حازم شومان

السلام عليكم ورحمة الله وبركاته. السلام عليكم. الحمد لله وكفى وصلة وسلاما على عباده اللهم لك الحمد كله ولك الملك كله وبيك الخير كله واليک يرجع الامر كله. اللهم صل على عبدك ونبيك محمد صلی الله عليه وسلم - 00:00:00

في الاولين والآخرين وفي كل وقت وحين. اما بعد شفت قبل كده يا اخوانا يعني شباب قاعدين قدام ماتش الكورة مسلا في كافيه اي حد يعني الدنيا بتبقى متکهرية ما حدش يقدر يتكلم اللي هيسيب الكرسي بتاعه هيتأخد على طول. واحدین بالكم معی؟ عايزین واحدنا قاعدين بقى في درس جديد مع بعض بازن الله سبحانه وتعالى. نبقي مرکزين - 00:00:40

تمام التركيز يعني اكتر من اي موقف انت ممكن ترکز فيه في حياتك لانك ما تعرفش ممكن كلمة تدخل بسببها الجنة ممكن العمل اللي انت انت لسه ما عرفتوش. او انت لسه ما عملتوش. شيك على بياض. النهاردة يا جماعة الفلوس بتاعتتنا كتير جدا بازن الله سبحانه وتعالى. وهنتكلم عن - 00:01:00

شيك على بياض. عايز اقول ايه في البداية؟ عايز اقول ان التدين ده موديلات. عارفين موديلات العربيات يا شباب؟ التدين ده موديلات زي موديلات العربية بالضبط. فيه واحد التدين بتاعه سبعة وثمانين. فيه واحد التدين بتاعه بيئم فئة سبعة. فيه واحد التدين بتاعه بغاطي او امريكانى. فيه واحد - 00:01:20

التدين بتاعه مية تمانية وعشرين. فيه واحد التدين بتاعه تدين سبعة. عايز زقة كل شوية عشان ايه معلش يا رجاله مش قصدي حاجة يعني ما حدش فهمني صح. فيه واحد - 00:01:40

التدين بتاع فكل واحد التدين بتاعه مذل. كل واحد التدين بتاعه نمط. النهاردة بازن الله هنتكلم عن اربع موديلات من التدين النضيف. اللي كان في حياة اصحاب النبي عليه الصلوة والسلام. هنتكلم عن اربع موديلات من الالتزام. اربع انماط من الالتزام - 00:01:50

بس الالتزام المتكلف. الالتزام اللي بحق و حقيقي. الالتزام اللي صح. الاربع موديلات اللي هنتكلم عنها النهاردة او الاربع انماط نمط شيك على بياض او موديل شيك على بياض. ده نوع من انواع الالتزام. المفروض ان احنا لما نتكلم عن الاربع انماط دول - 00:02:10

بازن الله هنقف مع بعض كده وكل واحد يسأل نفسه هو انا التدين بتاعي مدل ايه؟ هو انا تدين بي ام ولا تدين انا ايه بالضبط؟ ولا تدين اللي كل شوية عايز زقة عايز حد يزقني وكل شوية يقف في نص الطريق واوقف المرور كله واوقف الاخوه كلهم حد يزق يا جماعة فالان - 00:02:30

ويقع. فلان بيتنكس ، ولا انا التدين اللي ما شاء الله لا قوة الا بالله! تدين بي ام ما بحسشن بمطباط طاير على الطريق. مش فارق مع ما فيش حاجة بتوقفه. ما فيش حاجة بتنهزه. كل حاجة منطلق فيها. الموديل الاول موديل شيك على بياض. الموديل الثاني من موديلات التدين او - 00:02:50

الالتزام موديل ما اتفاصلش في الدين. ما تفاصلش في الدين. الدين مش معاملة مع ربنا بحق وحقك. انا خد وهاط فيه انماط عالية هنتكلم عنها دلوقتي اللي هو موديل ما اتفاصلش في الدين. النمط الثالث ابدأ كبير. ابدأ كبير ابدأ كبير ولا عارف ابدأ - 00:03:10

ابداً كبير. النمط الرابع اللي هو بنسميه حرق السفن. او موديل ضاع البيضة كله في سلة واحدة. تعالوا اما نشوف يا اخواننا يعني ايه شيك على بياض؟ شيك على بياض ده يعني فيه ناس داخلة مسلمة لربنا ما عندهاش خطوط حمرا في الدين. ما عندوش حدود عندها بيقول ربنا - 00:03:30

هنا لحد هنا وخلاص.انا مش مكمل اكتر من كده. ما بيقدعش الاول يشوف انا هقدر اطبق ايه. وما اطبقش ايه. انا معك يا رب لحد تكاليف معينة بعد كده ما اقدرش. شيك على بياض واحد داخل مسلم. داخل بمشاعره ولا تمنن تستكثر. ولا تمنن اي لا تضعف - 00:03:50

او عى تضعف انك تقععد تكتتر من الاعمال الصالحة. فيه ناس داخلة في التدين بيفكر انا هاخد ايه؟ وفيه واحد قاعد يدي دي مشاعر يدوا عمره يدي تضحياته وعمره ما بيفكر انا هاخد ايه؟ كل تفكيره انا هادي لدين ربنا ايه؟ انا هادي في طاعة ربنا ايه؟ انا - 00:04:10

ادي للسلام ايه؟ ده نمط يا اخواننا زي مين كده في غزوة احد النبي عليه الصلاة والسلام قبل الغزوة رفع السيف بتاعه. وقال من ياخذ هذا السيف فالصحابة طبعاً رضوان الله عليهم السيف بتاع النبي عليه الصلاة والسلام انا ممكن اقاتل به يا لا الشرف يا للمنقبة يا للعظمة كل - 00:04:32

الصحابة رفعوا ايديهم. انا يا رسول الله. انا اخد السيف ده واقاتل به. النبي عليه الصلاة والسلام زود كلمة من تلات حروف. قال بحقه من يأكل خذوا هذا السيف بحقه. استنوا ده السيف ده له تمن مش مش ببلاش. الكل قام منزل ايده. الوحيد اللي فضل رافع ايده سيدنا - 00:04:52

ابو دجانة. طب انت يا ابو دجانة عارف ايه حقه؟ ما يمكن حقه انك تدفع كل اللي وراك واللي قدامك. ده يمكن حقه انك ما انتش راجع تاني لبيتك. ما يمكن حد - 00:05:12

انت تعرف حقه قال انا يا رسول الله. اهو ده اللي احنا بنسميه ايه؟ ده اللي احنا طبعاً كان حقه ان يضرب به هم المشركين. يعني ما ينفعش يرجع ما دام ماسك سيف النبي عليه الصلاة والسلام لازم يبقى واقف زي الجبل في المعركة. انما القطور يا اخواننا ان ابو دجانة كان ماضي شيك على بياض. انا مضيت - 00:05:22

يا رسول الله طب انت عارف انا هحط مبلغكم؟ انت عارف انا هطلب منك ايه؟ انت عارف انا هشرط عليك يا رسول الله زي ما الانصار قالوا للنبي عليه الصلاة والسلام في - 00:05:42

العقبة يا رسول الله اشتراك لنفسك ولربك ما شئت. اشتراك لنفسك ولربك ما شئت يا رسول الله احنا عايزين الجنة الشروط اللي انت عايزها. الموصفات في التدين اللي انت عايزها. اللي انت عايزه من شروط يا رسول الله. من قبل ما تقول - 00:05:52 احنا موافقين عليه. النبي عليه الصلاة والسلام بيقول لهم ان تمنعوني مما تمنعون منه نسائكم وابنائكم موافقين. الرسول يقول لهم السمع والطاعة. موافقين. الرسول عليه الصلاة والسلام النفقه في العسر واليسر موافقين. النبي عليه الصلاة والسلام بيقول لهم الامر بالمعروف والنهي عن المنكر. موافقين. النبي عليه الصلاة والسلام يقول لهم ان تقوموا لله لا تخافون - 00:06:12

اقسم بالله لومة لائم قبل ما تقول موافقين. احنا عايزين الجنة. ومستعدين ندفع عمرنا كله عشان الجنة. ومش هنفكري في اي لحد ما نقف امام باب الجنة. عشان كده يا اخوانى في الله سيدنا موسى لما ربنا بيقول له ما تلك بييمينك؟ هي عصاية يا رب! هي عصاية اتوأ عليها - 00:06:32

اغش بها على غنمى لي فيها مارب اخرى القها يا موسى. ارميها. سيدنا موسى قال له طب وبعدين يا رب؟ طب ولما ارميها انا كل المصالح اللي انا بعملها بها ديت هعملها بها ازاى؟ القاها رماها على طول لما ربنا قال له ارمي ارمي في ناس - 00:06:52 مننا ربنا بيقول له ارمي معصية لأ ارمي واعمل ايه واروح فين وافرض اتخنقت بعدها وافرض دخلت حياة الالتزام لقيتها صعبة وخنيقة وافرض وافق اهم ربنا بيقول لك القها. ما تخافش. شيك على بياض زي سعد بن معاذ في غزوة بدر رضي الله عنه وارضاه. والنبي عليه الصلاة والسلام بيشوف - 00:07:12

الصحابة خارجين معه ولا أ؟ هيواجه القوة الاولى في الجزيرة العربية. هيواجه فانيكان الجزيرة العربية مكة. والنبي عايز يشوف استعلان الصحابة سعد ابن معاذ قال له يا رسول الله عليه الصلاة والسلام امض بنا الى ما شئت وصل حبال من شئت وقطع حبال من شئت الكلام ده - 00:07:32

كلام كبير جدا في الجزيرة العربية. يا رسول الله السياسة الخارجية ووزارة الخارجية في ايدك. البلد اللي انت عايز تقاطعها قاطعها اللي انت عايز تحرارها حاربها. البلد اللي انت عايز تعاهدتها عاهدها. يا رسول الله احنا مسلمين لك شيك على بياض. مش مسلمين لك في الصلاة - 00:07:52

قم بس مسلمين لك في وزارة الخارجية وفي السياسة وفي الاقتصاد وفي الحياة الاجتماعية. يا رسول الله احنا ماضيين للشريعة الاسلامية شيك على بياض. يا رسول الله صل من شئت واقطع حبال من شئت. وصل حبال من شئت. وامض الى ما شئت فوالله - 00:08:12

يا رسول الله لو خضت بنا الى بر크 الغمام لخضناه وراءك. برک الغامات دي منطقة صخور بركانية لا يوجد في فيها اي عيون ماءة في جنوب الجزيرة العربية. يا رسول الله لو وديتنا في البراكين احنا وراك. لو استعرضت بنا هذا البحر لخضناه - 00:08:32

لو نزلتنا كده على شوية خشب كده في البحر الاحمر دهو احنا وراك يا رسول الله احنا معك ما فيش حد معين لحد عنده هنقول لك لأ كفاية بقى يا رسول الله. لأنت هتقول لنا بقى هدي زاهر وتقول لنا بقى نغير حياتنا والسنة والاتباع. لأن فيه ناس عندها - 00:08:52 في الدين لحد هنا يا رب وكفاية انا مش هكمel بعد كده. احنا معك يا رب لحد خط معين. احنا معك يا رسول الله لحد خط معين. عرفت جماعة نضافة نموذج شيك على بياض اللي هو عكس نموذج المنافقين لا تنفروا في الحر. انا عايز دين مكيف. انا مش عايز اي دين. اللي هو نموذج - 00:09:12

منافقين لو كان عرضا قريبا وسفرنا قاصدا لاتبعوك. ولكن بعدt عليهم الشقة. لأن الموضوع كبير. لو كان عرضا قريبا لو حاجة قريبة او سفرنا قاصدا. عرفني انا رايح فين ؟ عرفني انا ماشي وراك لحد فين ؟ عرفني القصد بتاعي ايه ؟ لو سفر قاصد لو انا عارف انا رايح فين انا هامشي - 00:09:32

انما انا ماشي وانا مش عارف انا رايح فين. اهو ده. في دين ربنا انك انت ماضي شيك على بياض الكلمة اللي بتهز قلبي قوي. لما سيدنا ابراهيم دخل على سيدنا اسماعيل فلما بلغ معه السعي قال يابني اني ارى في المنام اني اذبحك. يا ابني انا كل ما - 00:09:54

انا بشوف اني ماسك سكينة وبادبحك يا ابني. قال يا ابتي اذبح. قال يا ابت اذبح. لا. قال يا ابت ايه افعل ايه ما تؤمر يعني ايه الفرق بين يا ابت ازبح ويا ابت افعل ما تؤمر يا ابت ازبح يعني انا موافق انا موافق انك تدبخي امال يا ابت - 00:10:14

افعل ما تؤمر. يا ابت افعل ما تؤمر به. يعني ما دية ما ايهامية. يا ابت افعل ما تؤمر. يا ابتي تدبخي تقطعني يا ابت اللي ربنا يقول لك عليه اهمله. انا ماضي شيك على بياض بربنا سبحانه وتعالى. انا - 00:10:34

تبادو شيئا على بياض في طاعة الله. اي حاجة هتطلب عشان كده كلمة جباره. يا ابت افعل ما تؤمر. ايا ما كان الامر انا سلم لربنا انا ما عنديش خطوط حمرا انا ما عنديش حدود في علاقتي بالدين بعدها انا مش هينفع ابقي متدين بعد كده انا مش هينفع اكمل - 00:10:54

ربنا او في طريق ربنا بعد كده بقى ده النمط الاول في انماط التدين النضيف يا جماعة. في انماط التدين اللي بحق و حقيقي. النمط الثاني او الموديل الثاني من موديلات البي او الالتزامية. الموديل الثاني موديل ما اتفاصلش في الدين. يعني ايه ما اتفاصلش في الدين؟ فيه ناس بتفاصل في الدين يا جماعة. يعني ايه - 00:11:14

آآآآ دى قصاد دى يعني يا رب انا هاديك دى هتدبني انت ايه بقى ؟ ما هو كل حاجة لازم قصادها حاجة. عارفين انتم يعني زي مسلا النمط ليلة سبعة وعشرين. هو ييجي ليلة سبعة وعشرين بس زي نمط اللي ما بيجيش لربنا غير في رمضان. يا رب موسم وايه بالسنة كلها. خلاص؟ ده قصاد زنوب السنة كلها - 00:11:34

او اللي لما ايام الامتحانات تلاقي المساجد مليانة. شباب فيه ايه! يا رب انا نازل اصلي في الجامع اهو نجحني في امتحانات بقى. او ساعة لما يحصل له ابتلاء تلاقيه - 00:11:54

في العبادة. ليه؟ يا رباه الابتلاء بقى ينزل. انا بازود اهو. او ساعة لما يحصل بنام جه بيقى عايز حاجة. عايز حاجة من ربنا. طبعاً ده ايمان ده مش ده مش ضعف ايمان ولكن مش ده نمط الكامل. مش ده نمط التدين الكامل. لان يقينا ان ده تدين ويقينا ان ده يقينا ان ربنا اللي بایده تفريج - 00:12:04

الكرب ولكن فيه اللي اعلى من كده اهو ده موديل ما تفاصيلش في الدين. زي ايه؟ زي ما النبي عليه الصلاة والسلام بيقول في القرآن لما ربنا بيقول في القرآن قل ان كنتم تحبون الله فاتبعونني. يحببكم الله. اتبعوني في ايه بقى بالضبط؟ يعني في ايه؟ ما فيش في ايه؟ ما تفاصيلش في الدين - 00:12:24

عارفين يا اخواننا النكتة الرجال الحمار بتاعه عيد فقال ندر علي يا رب لو الحمار راق هصوم تلات تيام فصام تلات ايام فالحمار مات بعدهم فقال ايه مخصوصين من رمضان. ده مخصوص من رمضان. اهو يا جماعة النكتة اللي انت بتضحكوا عليها ديت دي - 00:12:44 حيانتنا يا جماعة. احنا بنفاصيل في الدين يا اخواننا دي مش نكتة. ده ده تطبيق حقيقي. بس هي النكتة جابتها بشكل واضح شوية بيضحكنا انما احنا بنتعامل كده. انا عبدتك اديني. انا نزلت في رمضان يبقى زنوب السنة كلها تتغفر. انا عندي انا انا نزلت ايام الامتحانات اصلي الفجر في الجامعة يبقى نجحت - 00:13:04

انا دي قصاد دي ما تفاصيلش في الدين. عشان كده الاية الجميلة اوبي اوبي. يا ايها الذين امنوا ادخلوا في السلم خد الاسلام كده وان باكيدج على بعضه. عشان كده فيه بعض الناس يدخل يقول لك ايه؟ يقول لك ازاي ربنا - 00:13:24 للراجل ضعف المرأة في الميراس هو ربنا ما اداش للراجل ضعف المرأة في الميراس ولا حاجة. في تسع حالات في الشريعة الاسلامية في المواريس است بتاخذ اكتر من راجل. انما انت - 00:13:44

اتكلم عن حالة معينة. عموماً انت عامل زي واحد فيه حسنة في الوش. فواحد قام مسلط الكاميرا على الحسنة. فالشاشة بقت سودة. فقال شوفوا الشاشة سوداً شوفوا يا ابني ابعد الكاميرا كده الحسنة دي في ناس بترسمها عشان يبقى شكل الوش جميل حتى من الحسن الحسنة في وسط كل الملامح - 00:13:54

بقت جميلة. اما سلطت عليها الكاميرا الواحدة بقى ما حدش فاهم هي دي ايه. اهو ادخلوا في السلم كافة. خد الدين كله. ادخل في الدين كله ما تفاصيلش مع ربنا. ما تفاصيلش في طاعة ربنا. عشان كده هتلaci ربنا في سورة البقرة يقول فمن تبع هدائي فلا خوف عليهم ولا هم يحزنون. في سورة طه - 00:14:14

فمن اتبع هدائي فلا خوف فلا يضل ولا يشقى. ايه الفرق بين من تبع ومن اتبع؟ اللي اتبع ده اللي عارف الغلط وماشي على بصيرة. انما من تبع من التبعية. ده واحد مسلم لربنا. ده واحد ادي قياد حياته لربنا. ما تفاصيلش في الدين. ده نمط - 00:14:34 تاني جميل اوبي يا جماعة. ما تتعاملش مع ربنا بالطريقة دي. عشان ربنا ما يتعاملش معك بالطريقة دي. لان لو ربنا اتعامل معنا بالطريقة ديت احنا هنضيع. شف انت نفسك ربنا - 00:14:54

ازاي وعامل ربنا كده. الموديل الثالث بقى وده موديل مهم اوبي يا جماعة. موديل ابدأ كبير. ابدأ علاقتك بربنا بعلو في الهدف بتاعك. ابدأ كبير. خليك كبير دايمما. قال تعالى قل يا عبادي الذين اسرفوا على انفسهم - 00:15:04

يا اللي وقعتوا في الزنا يا اللي قتلتوا يا اللي شربتوا مخدرات لحد ما شبعتويا يا اللي عملتوا كل المعاصي اللي دخلتوا على كل المواقع الفاسدة. قل يا عبادي ربنا بيقول له يا عبادي الذين اسرفوا على انفسهم لا تقنطوا من رحمة الله - 00:15:24 ان الله يغفر الذنوب جميعاً. الله اكبر. اية تفرحك تديك امل في الحياة كلها. ان الله يغفر الذنوب جميعاً ما فيش حاجة اسمها ضاعت خلاص في علاقتك بربنا. انه هو الغفور الرحيم. الاية اللي بعد بعدها ربنا بيقول ايه؟ ربنا بيكلم واحد لسة جاي من زنا وكبار ومبوقات - 00:15:44

ومصابيب ربنا بيقول له واتبعوا احسن ما انزل اليكم من ربكم. اتبعوا ايه؟ احسن ما انزل اليكم من ربكم تبع احسن حاجة. طبق اعلى

حاجة. يا رب ده انا لسة جاي من المستنقع يا رب. ده انا ضايع يا رب. من اولها كده. اتبعوا احسن ما انزل اليكم - 00:16:04

امبارح سبحان الله كنت واقف قدام قول الله والناس بتكلم يعني صحابة موسى بيكلموا قارون بيقولوا له وابتغى فيما اتاك الله الدار الآخرة ولا تنسى نصيبك من الدنيا واحسن كما احسن الله اليك. احسنت. ده يعني كانوا يقولوا له اسلم. كانوا يقول - 00:16:24

قلت له امن ما هو في مقام الاسلام اعلى منه مقام الایمان. اعلى منه مقام الاحسان. داخلين على واحد طاغية وبيقولوا له طبق اعلى حاجة في الدين. بيقول قولوا اعبدوا الله كأنك تراه. ازاي ؟ هو انا ممكن واحد يقول لك هو يا عم احنا عارفين نبدأ اصلا! ابدأ كبير ايه! ما انا باقول لك كان مات التدين النضيف بقى. انماط - 00:16:44

التدین اللي بحق وحقيقة. ابدأ الكبير ايه ؟ انت ما انت شايف الدنيا بقى شكلها ايه ؟ ممكن شاب يجي لك احيانا وانت وانت واقف مسلا في جولة عايز تقول للشاب - 00:17:04

يقول لك يا عم فق انت. انا اللي فوق. انت ما انت شايف اللي احنا فيه. يا عم الشیخ انت بتتكلمني عن بنت اسيبها. ده كان زمان كانت بنت. الوقت بنت - 00:17:14

اذا اوين بوفيه على اليوتيوب وعلى الفيس وعلى الواتس غير الصور بتاعة نجمات هوليود غير الصور بتاعة الممسلاط والكليبات غير الاف البنات في كل مكان وفي الجامعة. هو انت بتتكلمني على النت! هو انت بتتكلمني عن نوع مخدرات واحد! انت قصدك ان انا اسيب التمويل ولا الترامادول ولا الكيميا ولا البوترة - 00:17:24

ولا الجوكر ولا الكريستال ولا يا شيخ روح الصيدلية تبقى مية مية. انت بتتكلمني عن ايه ؟ هو انت بتتكلمني عن اغنية واحدة؟ كلمني عن رب ولا سوافت نيوزك ولا متل ولا جاز ولا هارد روک ولا انت بتتكلمني عن ايه ؟ ولا فلان وفلان وفلان ولا الهضة ولا الكنج انت بتتكلمني عن ايه ؟ انت مش متخيّل الدنيا وصلت لايه ؟ - 00:17:44

شاب من الشباب عامل آآ شعره جل فهو عايز يتوضأ وضميره تعبه فجات القطارة بتاعة المایة وقعد يقطر المایة على البنك عشان يتوضأ ضميره تاعبه ومش قادر ان هو شاب تاني بيكوني شعره كل شهر مش قادر ان هو يعني - 00:18:04

يصلّي واللي مانعه من الصلاة خايف ان شعره يتحرق. لو اتواً وهو الشعير بتاعه. انت بتتكلمني عن ايه بقى؟ انت متخيّل احنا وصلنا لايه؟ سبحان الله العظيم النبي عليه الصلاة والسلام داخل السوق فالتجار قاعدين بقى يبيعوا ويشتروا زمان العمرة دهب وفضة. يعني كله قعد يدي دهب ويأخذ سلعة يدي فضة ويأخذ سلعة - 00:18:24

النبي عليه الصلاة والسلام لقى خروف ميت معفن. خروف جدي اسك خروف ميت وتعفن. النبي عليه الصلاة والسلام طبعا كل التجار سابوا التجارة وجريوا على النبي عليه الصلاة والسلام ده في ايده حته دهب وده في ايده حته فضة. وده في ايده سلعة. النبي عليه الصلاة والسلام قام شايل الخروف ورافعه. وقال من يشتري - 00:18:44

هذا بدرهم او من يشتري هذا بدرهم. النبي عليه الصلاة والسلام رفع طبعا انا متخيّل الريحه بقى شكلها ايه ؟ متخيّل ان الناس اصلا يعني لولا ان النبي هو اللي عمل كده كانوا استنكروا هذا الامر الريحه والشك من يشتري هذا فالناس باصه يا رسول الله ده لو سليم ما حدش هيشتريه بدرهم ده اساك يا رسول الله - 00:19:04

الله! فما بالك وميت ومتعنن كمان ؟ النبي عليه الصلاة والسلام بيقول لهم هي دي الدنيا. هي دي الدنيا اللي انت مضيع عمرك عليها. هي دي الدنيا اللي انت بتتفني عمرك بها - 00:19:24

هذا الخروف الميت المتعفن اللي ناس جابتة وقطعت اللحمة بتاعتتها وفرمتها وحطت عليها كاتشب ومايونيز وبهارات وفلفل ودقة سندوتشات شاورما وباعتتها لك وانت اشتريتها ودفعت فيها اللي وراك واللي قدامك. من يشتري هذا بدرهم. النبي عليه الصلاة والسلام يربيد - 00:19:34

يقول لهم دي الدنيا اللي انت مقضبين فيها حياتكم. عشان كده ربنا سبحانه وتعالى بيوصف منز قصر في القرآن. بيقول لو الكافر لو انا يعني لولا ان المتدين كان هيفتن انا كان كل واحد كافر اديته القصر ده. لولا ان يكون الناس امة واحدة. لولا ان الناس كلها - 00:19:54

كانت هتكفر لجعلنا لمن يكفر بالرحمن. لولا كده كان كل واحد قال حد. كان كل واحد قال لا الله. كان كل واحد ادى ضهره لربنا كان كل واحد آآ عبد بقرة ولا عبد عجل ولا عبد كان كل واحد كفر بالله كان ربنا ادى له ده لجعلنا لمن - 00:20:14

بالرحمن لبيوتهم سقفا من فضة. ده مش سقف واحد ده اسقف. اسقف معلقة وكلها من فضة ومعارج عليها يذرون السلاالم والاسانسيرات تبقى من فضة ولبيوتهم ابوابا. يبقى القصر بتاعه مليان ابواب لانه مش باب واحد. ما هياش شقة لها باب او بابين - 00:20:34

ده قصر مليان ابواب ولبيوتهم ابوابا. وسررا عليها يتكون. ده كمان القصر مليان جاليري ومليان تحف. ومليان انتيكات وزخرفة الجدران مش مطلية دهب. ده الحجارة بتاعة المبني دهب. ده المبني القصر نفسه مصنوع من دهب - 00:20:54 الزخرف يعني الذهب وان كل ذلك لم متاع الحياة الدنيا. يبقى اللي بيقول ابدأ ازاي؟ هو انت بتقول لي ابدأ كبير. هو انا عارف ابدأ اصلا! هو انا قادر ابدأ اصلا فيه ناس يا اخوانا مش قادرة تترجم الرسائل الرومانية. شاب من الشباب كان آآ يعني كان آآ بيموت وراح في غيبة - 00:21:14

الموت لدرجة ان اصحابه واهله افتكروه مات وجابوا مغسل يغسله. دي قصة حقيقة. وجابوا مغسل يغسله. وهم بيفسلوه صحي وهم بيفسلوه فاق من الغيبة اللي هو فيها. فاتحين من اخواننا مع يعني كانوا اصحابه بقى في الجامعة وقتها. فمعديين بعدها على القهوة فلاقوه قاعد - 00:21:34

القهوة بقى ايه قعد يشد في الشيشة وقاعد فيبيقول له يا ابني انت لو انت عادي كنت قلت لك خاف احسن تموت انما ده انت مت وربنا حياك. هاقول لك ايه - 00:21:54

احد المغنيين التائبين كان بيقول لي مرة بيقول لي داخل حفلة المغني اللي قبلى داخل الحمام لقيته ميت وهو بيشد مخدرات يعني عشان قلبه وهو داخل يعني يدي النمرة بتاعته ميت تحت الحوض في الحمام. جريناه بايدينا وخلخت بعدها في نفس الحفلة كمل الفقرة بتاعتي - 00:22:04

خالتى بعدها في ناس مش عايزة تفوق يا جماعة. فيه ناس مش عايزة اصلا تخرج من اللي هي فيه. شاب من الشباب كان قاعد مع اصحابه في شقة بيسربوا مخدرات. بيقول وهو - 00:22:24

معهم في الشقة بيسربوا مخدرات فجا له اوفر دوس افور. فهو بيموت بيقول لاصحابه قاعدين يدوروا له على لبن يسقيه له عشان يفوق. بيقول وانا قاعد افكر وانا بموت كل دول الوقتي هموت وهيدفونني وهيتوبوا بسبب ان صاحبهم مات وهو بيسرب مخدرات معهم. وانا اللي اروح جهنم وهم اللي يتوبوا بعدى. المقصود ان الشاب - 00:22:34

ده اول ما فاق بيقول رجعت اشرب في نفس القعدة مخدرات تاني. رجعت في نفس القعدة اكمل شاب من الشباب كان راجع مع اصحابه يعني سفرية معصية بقى كده وووقعوا في ترعة اصحابه التلاتة ماتوا. الشاب دخل مستشفى امراض نفسية فضل يتعالج من الاكتئاب والصدمة النفسية والانهيار - 00:22:54

العصب اللي حصل له بسبب موت اصحابه معه في السفرية دهي. واول ما خرج من المستشفى رجع للزنا ورجع للخمرة ورجع للمخدر الثاني. رجع تاني لكل الكبار اللي كان بيعملها قبلها كتير في جولة تقابل شاب يقول لك انا مش عارف انا كتير جدا. مش عارف انا. انا عندي مرض نفسي انا - 00:23:14

يعنى يقولوا كلام فعليا يا جماعة. معناتها ان ده عايش في فزع. الموضوع ده حصل معى لا مرة. ولا اتنين ولا تلاتة كتير جدا. طول ما انت ماشي جولة هنا انا طب وانت لسة زي ما انت ليه؟ طب ما دي رسالة من ربنا لك ربنا بيقول لك ارجع وانا اطمئن نفسينك. ارجع وانا اؤمن - 00:23:34

روعاتك ارجع ونسكب في قلبك السكينة والامن مرة تانية. يبقى يعني للأسف الشديد يعني فيه ناس تقول لك ابدأ ازاي؟ لا احنا دلوقتي بتنقول لك ابدأ كبير. يعني ابدأ كبير وانا عارف ابدأ يا ابني هو الوقتي لو شاب بيحب بنت واتفقوا مع بعض ان كل تلات تيام هيتكلموا مكالمة مع بعض دقية ونص. دول - 00:23:54

عيشوا لذة الحب. دول هي عيشوا متعة الحب. دول يا ابني ما فيش جو. يا ابني عيش دين. ادي لنفسك فرصة انك تعيش ديني. ما هو حب الله اولى من هزا. عيش علاقة مع ربنا بحق و حقيقي. عش دين بحق و حقيقي يبقى نمط النمط الثالث ابدأ كبير. ابدأ ببطوح - 00:24:14

في الدين. ابدأ بجدية في علاقتك مع الله سبحانه و تعالى. ابدأ وانت عندك طموحات عالية في دين الله. الواحد من عليه. يعني اول ما التزم فتن كتير جداً و مشاكل كتير جداً لعل من الحاجات اللي ربنا سبحانه و تعالى يعني سبت الواحد فيها قصاد فتن كانت فعلاً جارة في هزا - 00:24:34

يعني الواحد كان لسه طالب في الكلية ان الواحد من لحظة ما دخل برجليه في طريق الدين وهو عنده طموح كبير جداً انه يقدم حاجة لدين ربنا ده من اسباب السبات. من اسباب السبات امام الفتنة انك داخل وانت عايز تعمل حاجة كبيرة لدين ربنا. النمط الرابع بقى من موديلات - 00:24:54

اللي بيئم الالتزامية من موديلات الالتزام النظيف. من موديلات التدين اللي بحق و حقيقي. نمط ضع البيض كله في سلة واحدة ايه ده! اللي هو نمط احرق السفن اللي هو نمط ابو الدجاج يا جماعة. سيدنا ابو الدجاج النبي عليه الصلاة والسلام جا له طفل يتيم في المدينة. الطفل اليتيم ده البيت بتاعه - 00:25:14

هو عشان ينسقوا فيه نخلة بتاعه جاره يعني ايه زي مضيقه عليه مكان البيت بتاعه. فطلب من جاره النخلة والطفل ده يتيم فجاره اشرح للنبي عليه الصلاة والسلام. النبي قال لجاره قال له اعطا النخلة ولك بها نخلة في الجنة. يعني قصادها نخلة نخلة بنخلة في الجنة نخلة في - 00:25:34

بنخلة في الجنة يا نهار ابيض! ده الواحد يطلع اللي وراه اللي قدامه بملبس واحد في الجنة. فالراجل ما رضاش برضو. ابو الدجاج سمع الصفقة دي ابو الدجاج رضي الله عنه وارضاوه وهو كان عنده جنبينة فيها ستميت نخلة راح للراجل قال له تاخد المستمية نخلة وتدبني - 00:25:54

الراجل طبعاً ستميت نخلة واديك نخلة موافق طبعاً. سؤال يا جماعة. ابو الدجاج كان ممكن يخلص الموضوع بعشر نخلات. بعشرين يا عم تلاتين نخلة. انت ليه حطيت البيت كله في سلة الآخرة؟ انت ليه حطيت المستمية نخلة في سلة الآخرة؟ ليه عملت - 00:26:14

كده ما انت كان ممكن لو كنت قلت له عشرين نخلة كان فرح وطار من الفرح. لا اصل هي القضية انا الوقتي لو بقى لي دخلة في الجنة انا عايز اضمن ان انا واخدتها واخدها - 00:26:34

بازن الله لو بقى لي نخلة في الجنة خلاص يا جماعة انا عايز ايه من الدنيا؟ وانا كده بقى ضامن مكان في الجنة. خلاص الدنيا كلها ما عادش لها قيمة لو بقى لي - 00:26:44

في الجنة وما لهاش قيمة لو ما ليش مكان في الجنة. فوضع البيض كله في سلة واحدة. عايز اقول ايه؟ عايز اقول يا اخواننا راجع التزامك. راجع علاقتك برربنا راجع تدينك يعني آآآآ كنا يعني قاعدin مرة مع بعض آآآآ اخواننا كده فواحد قبل ما ننام مسک كتاب - 00:26:54

الصحابه و قد يقرأ فيه فبيقول انت عارفين احنا بنقرأ عن الصحابة ليه قبل ما ننام؟ لأن احنا طول اليوم كنا شغالين في الدعوة وفي العبادة. فانت ممكن قبل ما تناوم بيجي في قلبك - 00:27:14

العقبة او الكبر او الغرور ان انت راجل متدين و بتعمل و بتعميل فتعال بقى نعرض نفسنا قبل ما ننام على الايذو تسع تلاف واتنين تعالى اما نعرض على المقياس المثالي عشان لما تشواف المتدينين اللي بجد عملوا ايه تعرف ان انت لسه لك كتير على ما تبدأ انك انت تخاف على نفسك من الغرور بجد - 00:27:24

يبقى اذا ده انماط او موديلات التدين. اتكلمنا عن اربع موديلات. موديل ايه؟ ها؟ يلا قولوا معي الاول ايه؟ شيك على بياض اللي هو تبقى مسلم لربنا. اللي هو ما فيش خطوط حمرا بينك وبين ربنا. ما فيش حدود. انا يا رب معك للنهاية. انا يا رب لآخر -

لحظة في حياتي مسلم لك مشاعري وعمري وكل حاجة. والدنيا فيها مسل زي ابو دجانة من يأخذ هذا السيف بحقه. ما قالش حقه ايه؟ رفع ايده ووافق. النمط الثاني قلنا نمط - 00:28:04

او موديل ايه؟ ما تفاصلش ادخلوا في السلم كافة. ما تفاصلش مش خد وهاط. مش مخصوص تلات ايام من رمضان مش يا رب انا باعبدك نجحني بقى. اشفني بقى. هيحلها لي بقى. آآ مش كل حاجة خد وهاط. ادي. ادخل الدين وانت عايز - 00:28:14

مش قضية انا هاخد ايه قصاد اللي انا بديه؟ وان باكيدج ما تفاصلش في الدين. النمط الثالث اللي اتكلمنا عنه والموديل الثالث ابدأ كبير. ابدأ كبير من اولها يعني الشاب اللي بيحب آآ في الجامعة بيبدأ كبير. الانسان اللي بيدخل في اي طريق في الدنيا او اي طريق معصية بيحاول - 00:28:34

الكبير. ابدأ كبير في علاقتك برربنا سبحانه وتعالى زي ما قلنا واتبعوا احسن ما انزل اليكم من ربكم. واحسن كما احسن الله اليك زي النبي عليه الصلوة والسلام فعامل حزن يجري وسط القبائل ويقول من يمنعني حتى ابلغ كلام ربى؟ من اولها كده يا رسول الله! ده كلام الناس اللي تخاف من الدين. هو انت - 00:28:54

انت بتدعوا الناس للالتزام وانت بتقول لهم التدين انك هتقف في وش الدنيا. وتحمي النبي عليه الصلوة والسلام. ايوه هو النبي عرض كده. النبي كان عايز ناس كبيرة لان النبي كان في بداية الدعوة مش ما ينفعش يبقى الملتزمين عدد وخلاص. النمط الرابع اللي هو نمط ايه؟ ضاع البيضة كلها في سلة واحدة - 00:29:14

اللي هو نمط حرق السفن بقى اللي هو يا رب انا انا مش آآ يقول قد اخزنا امرنا من قبل انا عامل حسابي ان لو الموضوع ده ما جبس بقى ايه انا انا عامل حسابي - 00:29:34

السكة الثانية انا ما ليش غير سكتك يا رب. انا ما ليش باب غير بابك اصلا. انت لو سبتي هاضيع يا رب. انا ما ليش غيرك. انت املي الوحيد يا رب. انت املي - 00:29:44

السعادة. انت املي الوحيد في النجاة. انت املي الوحيد في الفرج. انت املي الوحيد في الجنة. انت املي الوحيد في الفرحة. انت املي الوحيد في تفريح كل كرب في حياتي. انت الامل الوحيد في حياتي يا رب. ضاع البيضة كلها في سلة واحدة. في النهاية يا اخواننا انت بقى - 00:29:54

انت التداول بتعاك اخباره ايه؟ انت النمط بتعاك ايه؟ العربية اللي محتاجة زقة ولا العربية اللي ماشية بس آآ اللي عدم السيارة بتعاكها مخلي الدنيا كلها سودا ومخلية الناس كلها حاطة ايديها على مناخيرها من كتر الدخان الاسود اللي خارج منها وهي ماشية يعني - 00:30:14

ماشي وعامل مشاكل والدنيا كلها تعبانة ومتازية منه. ولا انت اللي كله نفسه يركب معك. العربية بتعاك فخمة وحاجة بقى ما حصلتش. وكله نفسه يركب جنبك او يركب او حتى يا عم تحطه في الشنطة. انما يركب في العربية النضيفة دي. كله نفسه يبقى زيك. كله نفسه ولا انت العربية اللي ما فيش حد عارف يحصلها - 00:30:34

موديل التداوين بتعاك ايه ؟ او نمط التداول بتعاك ايه ؟ شيك على بياض. ده جزء من للكبار فقط، جزء من الصحابة الكبار ان كان التدين بتعهم تداين كبير لأنهم خدوا ده عن النبي عليه الصلوة والسلام. طب احنا هنعمل ايه يا جماعة بقى؟ يعني آآ نزرية آآ يعني - 00:30:54

عايزين نخرج بحاجة عملية. عايزين نطبق تطبيق عملي. تعالوا نتكلم في مشروع واحد صغير كده بازن الله سبحانه وتعالى ممكن يفرق معنا كتير جدا تحفيز القرآن. تحفيز كلام ربنا. فضلاته من الله سبحانه وتعالى. الدوري الثالث او المرحلة الثالثة من دوري التحفيز عندنا في المسجد هنا - 00:31:14

هتبأ فجر الحد الجاي ده بازن الله سبحانه وتعالى. عاملين هنا فضل ومنة الله دوري تحفيز. يعني ايه دوري؟ يعني فرق. حفظ القرآن

بطريقة فرق. كل فريق اربعة اللي اللي طب معمول فرق ليه؟ عشان لو واحد غاب هيأسر على درجة لان الحضور فيها درجة. هيأسر على الدرجة بتاعة الفريق بتاعه كله - [00:31:34](#)

فنتعلم روح الفريق. تتعلم ان انت لو نمت آآ اخوك هيدفع تمن نومتك. ولو اخوك نام انت هتدفع تمن نومته ان احنا لازم نفوق وده من انماط التدين النضيف. نمط ان احنا نخاف على دين بعض وانك تخاف على دين اخوك. وانك تعمل تأمين على التزامك بانك انت تركز في التزام - [00:31:54](#)

اخوك عشان لو انت جيت تقع في يوم من الايام تلقي حد يسندك. فده دوري بروح الفريق. وفي النهاية بفضل ومنة الله زي الجمعة اللي فاتت او اللي قبلها. بنوزع - [00:32:14](#)

على الفرق الفايزه والفرق المتفوقة هنبدأ فجر لحد الثالث ده فجر الحد الجاي ده التحفيز بيبقى فجر حد وفجر ثلاثة فجر خميس بازن الله سبحانه وتعالى. مين يا اخوانا عايز ييجي يحفز قرآن يرفع ايده كده ها ما مين عايز يدبس نفسه؟ مين عايز يقفه؟ ده نمط جميل - [00:32:24](#)

برضو من انماط الالتزام اللي هو انا متورط نفسك. عارف يعني ايه ورط نفسك؟ يا عم دوس بنزين. يا عم فلا اقتحم العقبة. يا عم غمض عينك وارم نفسك. ما تخافش - [00:32:44](#)

والله وانت مع ربنا اقبل ولا تخاف. ما تخافش من طريق ربنا. كل ما بتuros بنزين في طريق ربنا كل ما بتسبت اكتر في الطريق. وكل اللي ما بتوصل لمراحله ان انت خلاص ما انتش راجع تاني بازن الله عن طريق الله سبحانه وتعالى. آآ عملنا آآ فضل ومنة الله آآ - [00:32:54](#)

آآ دوري كورة الفريق الفايز موجودة يا دكتور احمد؟ موجودين ما شاء الله! ده ده بشمهندس احمد سلطان جايب الكاس جاهز. عملنا دوري كورة وفضل ومنة الله ودخل فرق وقصص بقى ومسابقات - [00:33:14](#)

يعني الفريق الفائز. بفضل الله سبحانه وتعالى. شوفوا يا جماعة الكاس. شوفوا المكسب حلو ازاي. تخيلوا بقى الكاس بتاع يوم القيمة بقى. وانت الكاس قدام الدنيا كلها كده بقى وايه وتتوج امام الدنيا كلها وانت حافظ كتاب الله سبحانه وتعالى. المهم انا مش عايز انسى الاول قبل الدوري. هنبدأ - [00:33:33](#)

الحفظ القرآن مش دورة كورة ده دوري كورة. احنا الوقت كنا بنتكلم في دوري حفظ القرآن. دوري حفظ القرآن يبدأ يوم ايه؟ يوم ايه؟ يوم الحد ما شاء الله هي هتسمع حد وتلات وخميس فجر الحد الجاي. ان شاء الله بازن الله ربنا يعينكم ويشرح صدوركم للهدى كده. آآ آآ اخوانا بقى يعني - [00:33:53](#)

های اللي هيكرمه الفريق الفايز هو الفريق الفايز بنا يا باشمهندس هو انت والشيخ ازيك يا شيخ احمد؟ انت الاثنين فريق واحد؟ ما شاء الله! طب والفريق الثاني السلم اهو. دكتور محمد محسن فين؟ انا سامع ان الثاني ان شاء الله ما شاء الله لا قوة الا بالله - [00:34:13](#)

اخوانا كده اتشجعوا البرد الشديد دوت وقالوا اما ايه نفك التلج ونعمل كده دوري بسيط مع بعض بفضل الله آآ اتجمعنا كده في يوم اتوكلنا على الله وكم فرقة كده وربنا ستر يعني اليوم ما شاء الله طلع بنتائج كبيرة آآ باين تمزق في الاربطة واحد - [00:34:34](#) وشrox واتنين شد عضلي. هو فيه تلات يعني فيه بتاع اربعة خارجين من الملعب متشالين خلاص وانا كنت بحب نوم خلاص فايه يعني ما شاء الله كان فيه نتائج عالية تدل على اللياقة الشديدة يعني. خلاص يعني خلينا نتحمس ان المرة الجاية نخاف قبل ما نأخذ القرار يعني - [00:34:56](#)

وبفضل الله فاز فريق زي الدوريات العادلة خالص طلع برضه عندنا في ناس بتفوز وفي فريق تاني وسمعت ان في تشكيك في نتيجة الاول والثاني بس مش عارف انت ايهرأيك يا هندسة؟ - [00:35:17](#)

سمعنا ان في تشكيك يعني. بس هو ما شاء الله يعني ايه مستوى الفريق الاول والثاني ما يتخيروش عن بعض. لانها كانت بنظام النقط فهو الفريق الاول ده اصلا غالب كل المجموعة بتاعته. الفريق الثاني غالب كل مجموعته. فما شاء الله الاثنين يعني فايزين بمراحله

كبيرة جدا. واه هييفى كده ايه الاخوة - 00:35:30

نعمل بقى ايه ببرومو سريع كده عن الاصابات وهتلاقوني طالع في الاصابة هنا والدوري ابو احمد دلوقتي حاضر بشمهندس احمد.

انت ايه بقى تعليقك على على المكتب في يعني ايه قضية التشكيك في النتيجة دي - 00:35:50

سمعنا كلام اوبي تشكيك على النتيجة يا بشمهندس ما كانش فيه وقت اضافي. الفريق الثاني طلع شايل اهو. قل يا دكترة قل يا

دكترة. والله يعني نحتسب على الله سبحانه وتعالى. قل يا بشمهندس قل. احنا نتمنى انهم يكسبوا - 00:36:19

يعني نتمنى الله سبحانه وتعالى ان ربنا يجعل يعني الاوقات ديت ممكن الاوقات ما تتكررش كثير. آآ لضيق ظروف الناس في الوقت

ولكن نتمنى من ربنا سبحانه وتعالى ان ديت تكون وسيلة ان احنا نقرب من بعض - 00:36:34

ان ديت تكون وسيلة ان احنا نقرب من بعض. ما تكونش فكرة ان احنا جايين ناخذ كاس بجد. ولكن الكاس الحقيقي

اللي هياخدہ فيما اللي قدر يطلع من من مشهد زي دوت بتقارب بيته وبينه وبين اخ اخروا بعض ومش وقفوا بقى على منصة ياخدوا الكاس

ده وقفوا على منابر من - 00:36:50

نور في زل عرش الله وده المشهد الحقيقي اللي بنتمناه من ان انا لما اروح العب كورة ممكن اخرج منها خسران واحد بسبب فاول

خسران واحد بسبب جون وممكن منها كسبان اخ يصحيبني لصلاة الفجر. اكسب اخ ياخد بيدي لدرس من دروس. ممكن اخد اخ ايدي

في ايده ونكون - 00:37:10

من ضمن سبعمائة الف يدخلون الجنة متماسكون. لا يدخل اولهم حتى يدخل اخرهم. لأن غصب عن اي حد الناس بتبقى سخنة

والناس بتبقى متفاعلة فيها ربيت اي حد طبعا ربنا قدر ان هو حصل بيته وبين حد شد حد زعل حد آآ قال الحكم كوسه حد قال آآ

الاوقات ما فيش وقت اضافي - 00:37:32

خلاص سيدى عماد دي نصالح بعض كده في الآخر يعني وايه حته فطير كده لاخوك وبالعسل وكده يعني - 00:37:52